

Centralni registar Interpola



Simić:
Traži se
zbog
zlopotrebe
droga

Zovko:
Potraga
zbog
zločina
protiv
čovječnosti

**Bailo među
bjeguncima**

**Bojovića
traži Srbija**

**Božidar
Ratković**

**Kenan
Bedžeti**

NA CRVENIM POTJERNICAMA 160 DRŽAVLJANA BiH

Potruga za osumnjičenima zbog ratnih zločina, silovanja, ubistava, pljački, razbojništava, finansijskog kriminala...

U centralnom registru Interpola trenutno je čak 160 državljana BiH za kojima su raspisane crvene potjernice i to zbog najtežih krivičnih djela. Ovi se bjegunci traže zbog ubistava, silovanja, ratnih zločina, šverca drogom, pljački, finansijskog kriminala...

Dvojna državljanstva

Na potjernicama ima i nekoliko državljana BiH koje traže druge zemlje. Tako Interpol traži za Goranom Bojovićem, kojeg traži Srbija zbog ubistva s predumišljajem, a koji ima i bh. državljanstvo. Među onima sa dvojnim državljanstvom, a koje potražuju hrvatske vlasti je Oliver Vreba, rođen u Travniku 1980. Vreba je tražen zbog pronevjere, dok je zbog krivičnog djela prevare potjernica raspisana za Sedom Žilom, rođenim 1963. u Radakovu.

Savo Simić državljanin je BiH rođen 1970. koji se traži zbog zlopotreba opojnih droga. Za njim tragaju hrvatske vlasti i to da bi tamo izdržavao kaznu zbog ovog krivičnog djela.

Ratko Pantoš (1978) iz Prijedora, koji se nalazio na odsluženju zatvorske kazne od pet godina zbog razbojništva, 2010. je pobjegao iz Kazneno-popravnog zavoda poluotvorenog tipa u Bihaću. Kaznu je izdržavao u KPZ-u Zenica od novembra 2007. prebačen je u Bihać početkom 2010.



**Safet
Begić**

a onda pobjegao iz dvorišta KPZ-a Bihać dok je sa ostalim zatvorenicima igrao fudbal, preskočivši zid.

Među bjeguncima je i 60-godišnja Azra Bailo, osumnjičena za krijumčarenje ljudi. Ona je sa nevjerenim suprugom bila na čelu organizacije koja se bavila ilegalnim prebacivanjem Kurda i Albanaca preko Hrvatske prema zemljama zapadne Evrope.

Potjernica je raspisana i za Obradom Ožegovićem, zbog sumnje da je počinio ratni zločin protiv civilnog stanovništva, a traži se i za Božidarom Ratkovićem zbog krivotvorenja službene isprave. Prema podacima na stranici Interpola, zbog prevare je tražena Sofija Čubela iz Širokog Brijega, za kojom tragaju hrvatske vlasti.

Oružana pljačka

Zbog zločina protiv čovječnosti traži se za Antom Zovkom, rođenim 1946. u Širokom Brijegu.

Na potjernicama su i Safet Begić, Kenan Bedžeti, Vlado Todorović, za kojim tragaju bh. vlasti zbog oružane pljačke...
A. B. Č.

INTERVJU Ranka Mišić, predsjednik

PRIVATIZACIJA JE B

- Dodemo li pred Vladu, to neće biti akademski protesti
- Takozvani analitičari govore da je Sindikat nebitan

Razgovarao: **Edin BARIMAC**

• Zašto je za radnike u RS-u neprihvatljivo da se mijenja Zakon o radu?

- Prvo moram da intervenišem na vašu konstataciju. Vlada RS-a nema nikakvo novo rješenje u formi zakona o radu. Dakle, ne postoji nikakva verzija, niti bilo šta što može da ponese naziv novi zakon o radu u RS-u. Cijenimo, kao Sindikat, i tu bitku vodimo već pet godina, trpimo pritiske i jednog i drugog socijalnog partnera - i poslodavaca i Vlade i njihove potpuno nerazumne i nerazumljive argumente zašto treba RS-u novi zakon. Njihovi argumenti su da se treba osloboditi neradnika, da treba dodatno fleksibilizovati radno mjesto i da će to značiti napredak RS-a u ekonomskom smislu kao što se moglo čuti i u Federaciji.

Medijska izjava

Mi smo snagom argumenata ušli u šestu godinu, obarali njihove neutemeljene stavove i nije došlo ni do kakvog donošenja novog zakona niti bilo kakve njegove verzije. Naravno, sad se taj pritisak intenzivirao i imamo rečenicu predsjednice Vlade koja je rekla da će i RS uskoro u istovjetnom obliku donijeti zakon kao što ga je donijela i Federacija BiH. To je bila medijska izjava, nismo imali nikakve razgovore niti bilo šta što bi to i potvrdilo.

Vi ste mene pitali zašto se Sindikat buni. Reći ću nekoliko bitnih razloga. Novi zakon o radu umanjio bi radnička prava, obespravio radnike. To je ustvari zakon za poslodavce, a protiv radnika. To je zakon za zaštitu investitora i kapitala, a protiv radnika ili, bolje reći, to je zakon koji porobljava radnike i apsolutno daje odriježene ruke investitorima i kapitalu. Da je to tako potvrđuje i u sporazumu za rad i zapošljavanje i u Reformskoj agendi, ako je

umijemo čitati. Izgleda da većina nas i nije umjela da pročita tu agendu, ali kada bude plaćala cijenu te agende, onda će to biti post festum reakcija koja je uvijek osuđena na propast. Šta znači to fleksibilizovati radno mjesto i šta znači to kad ja kažem da je to za investitore? To jasno piše u agendi, da se moraju donijeti zakoni koji će zaštititi investitore. Ne piše nigdje da će se donijeti zakoni koji će zaštititi radnika, socijalne kategorije, penzionere. Ne! Nego samo investitore. Dakle, ne govorim napamet. Radnik bi izgubio, a u Federaciji već jeste, sve što je uloga rada na neodređeno vrijeme ili tzv. posao zastalno.

SVI NADOBUDNI Živimo najteže trenutke radničke klase - kad protiv sebe imate i one koji pišu zakon i one koji ga usvajaju i vlasnike kapitala i nadobudne ekonomiste. Još se samo nisu javile starlete, ali očekujemo da će i one stati na stranu kapitala

• Ima li Sindikat RS-a snage da se suprotstavi novom zakonu?

- Nedavno smo imali jedan sastanak sa poslodavcima i Vladom, Ekonomsko-socijalni savjet, koji nije bio vezan za zakon o radu, ali je bio stravičan - vrlo neprijateljski stav prema Sindikatu - čak do želje da ne postojimo. Imamo li snage? Ako vam kažem da smo mi jedini sindikat u regionu koji brani čvrsto stavove koji se odnose na zaštitu stečenih radničkih prava, to sigurno šalje vrlo jasnu poruku i da smo spremni da to nastavimo. Naravno da mi ne zastupamo interese bilo koga, nego radni-

ka - naših članova, a odluka organa Saveza sindikata je da se svim sredstvima brani dostignuti nivo prava. Ili prevedeno, svim sredstvima se bori da se ne smanje ionako bijedna prava koja imaju radnici u RS-u, odnosno mizerne neredovne plate iz samo jednog razloga - što oni ne poštuju zakon. Mi upravo to tražimo, da se poštuju zakoni. Imamo snagu da se borimo za ono što jeste pravedno, potrebno, a to je da radnik pošteno uradi svoj posao, dobije platu i od plate može da živi. Koristićemo sve što nam stoji na raspolaganju da u toj borbi ne dozvolimo smanjenje radničkih prava.

• Drugim riječima, mogući su i protesti?

- Imamo vrlo jasno razrađenu strategiju, precizne odluke, koje nismo krili. Mi smo 1. maja u parku "Mladen Stojanović", ispred zgrade Vlade, poslali jasnu poruku - danas je došlo 5.000 predstavnika radnika i zadnja rečenica koju smo izrekli bila je "ako dodemo drugi put, to će biti do konačnog obračuna". Šta znači do konačnog obračuna? To znači da kad dodemo, ako nas natjerate da dodemo, odnosno krenete da mimo volje i pristanka Sindikata smanjujete radnička prava, mi ćemo doći, ali to neće biti akademski protesti, šetnja i nećemo držati govor i povući se nakon sat. A naravno da ćemo poštovati i zakon, ali svom snagom, svim sredstvima, legalnim i manje legalnim, spremni smo da branimo dostignuti nivo prava.

• Mogu li protesti okrenuti stvari u korist radnika?

- Pazite, vi već imate tzv. analitičare koji će svom snagom govoriti kako je Sindikat nebitan, kako oni to rade zbog sebe, kako brane neke privilegovane radnike. Dakle, mi nemamo saveznike i ja to vrlo otvoreno kažem. U ovom trenutku nemamo saveznike ni u poziciji ni u opoziciji ni u analitičarima, jer svi

Zadnja naša rečenica pred Vladom bila je:

Načelnik Tomislav-Grada Ivan Vukadin osudio napad na Bošnjake



Vukadin: Poziv vjerskim vođama da smire situaciju

NEĆEMO DOZVOLITI DA SE OVDJE SIJE MRŽNJA

- Od policijskih vlasti očekujemo da bez rezerve razjasne ko su počinitelji, kaže načelnik
- Uhapšeni su iz Posušja, navode iz MUP-a Kantona 10

Načelnik Općine Tomislav-Grad Ivan Vukadin i predsjednik Općinskog odbora HDZ-a BiH Tomislav-Grad Stipan Šarac u zajedničkom su saopštenju za javnost osudili napad na Bošnjake koji se dogodio u subo-

tu u selu Omerovići kod Tomislav-Grada.

Suživot

- Iako još nisu poznati svi podaci o počiniteljima, već sada je

Savezna Sjednica Saveza sindikata Republike Srpske IZLAZILA PRVO POLUVRIJEME

oni rade za kapital. Oni koji pričaju danas o potrebi donošenja novog zakona o radu su radili i bili su dobro plaćeni od EK-a i MMF-a na izradi sporazuma za rad i zapošljavanje. Naravno da se ti ljudi pojavljuju i pričaju kako će ovdje biti divno kad se donese novi zakon o radu. Ja ću vas podsjetiti da su takvi ljudi dolazili sa sličnim stavom kad je trebalo sve privatizovati. I rekli su kako će ovdje svi raditi, imati velike plate. Međutim, oni nas opljačkali i ovo je sad drugo poluvrijeme. Agenda ide u pravcu da se smanje radnička prava, obesprave radnici, da se prirodni resursi privatizuju bagatelno i to je kraj ozbiljne ekonomske priče u BiH. Ono što je važno je da mi imamo radnike koji se bore za sebe. I to je jači motiv od svih onih koji su plaćeni

da osporavaju važeći Zakon o radu. Mislim da je to presudan momenat.

• **Predstavnici Unije udruženja poslodavaca napustili su posljednju sjednicu Ekonomsko-socijalnog savjeta RS-a. Koji su razlozi?**

- Oni su je zakazali, a znate li zašto? Zato što su imali potrebu da formiraju delegaciju za odlazak u Moskvu na jedan skup. Međutim, pismo je došlo na ime predsjednice Mišić, iako ja više ne predsjedavam Savjetom, ali sam bila neko ko je radio u tom procesu. Nismo imali problem da tamo ide aktuelni predsjednik, međutim, oni su htjeli da prošire tu listu i da vode tamo neke ljude za koje oni cijene da trebaju da idu. Mi smo bili protiv toga, ali smo došli na sjednicu. Međutim, oni imaju neki problem unutar organizacije - predsjednik je zakazao, a njegov zamjenik, koji je inače i član Savjeta, gospodin Trivić nama je poslao mail gdje kaže da se sjednica ne treba održati. Međutim, mi smo došli jer smo imali zvanični poziv i on je došao. Rekli smo da je sjednica zakazana suprotno poslovniku, da ne prihvatimo dnevni red i dopunu dnevnog reda. Međutim, tad je došlo do reakcije gospodina Trivića koju mi nismo razumjeli, ali i jedne vrlo neprijatne scene u njegovoj kancelariji koja je mogla da preraste u ružnu situaciju. Oni imaju nešto protiv Sindikata, ljudi u Sindikatu, da ne kažem mene i oni to više ne mogu ni da kriju. A ja samo radim svoj posao. Suština te sjednice bila je da se odredi delegacija. Naš stav je bio da ide aktuelni predsjednik, ako on ne može, neka ide njegov zamjenik i certifikovana osoba za prevođenje, pošto niko od njih ne govori

nijedan strani jezik. To je ta priča. Oni su od toga napravili dramu. Optužili su me da sam ih vrijeđala. Nisam, postoji tonski zapis i on je dostupan javnosti.

• **Zamjenik predsjednika Unije Saša Trivić kazao je da sve dok je on predstavnik Unije sjednica neće biti. Kako to komentirate?**

- To uopšte ne treba komentarisati. To jasno kazuje ko u RS-u ne želi socijalni dijalog, ko upravlja Ekonomsko-socijalnim savjetom i ko to ima podršku vlasti i to se čovjek nije libio da kaže. Mi to osuđujemo, to tako ne može. E sad, je li on bio pod velikim emotivnim nabojem što smo mi došli tamo, pa je to izrekao ili on stvarno to misli? Ako stvarno misli, to je strašno i to više nije demokratija. To je po onoj ko je jači, taj i tlači i to mi nikako nećemo prihvatiti. Ali, to već postaje problem Vlade.

• **Kada se govori o novom zakonu o radu, iz Unije udruženja poslodavaca može se čuti da njime neće biti ugrožena radnička prava i da sva priča predstavlja pokušaj zaštite određenih dijelova sindikalne organizacije, a ne svih radnika RS-a...**

- Taj model su primijenili u Federaciji i evo primjenjuju u Republici Srpskoj, a to je da posvađaju radnike na neke privilegovane i neke neprivilogovane. Ja bih razumjela da im je motiv borba za one koji nemaju redovnu platu, da ti radnici dostignu ove koje oni nazivaju privilegovanim. I to bi meni bilo OK, to vuče naprijed, to pojačava potrošnju, poreze i doprinose. Međutim, oni obmanjuju javnost i neće da kažu da radnici koje oni nazivaju privilegovanim, misleći na državne službenike, imaju zakon o državnim službenicima u kojem je sve uređeno. Imaju zakon o platama u kojem je sve uređeno. Oni žele da nestane Sindikat, da nema sindikalnog organizovanja.

Hoću da kažem sljedeće - oni lažu, obmanjuju iz samo jednog razloga, a to je njihov lični interes. To

je njihova pozicija, bilo ekonomska, politička, ovakva i onakva. Činjenica je da zakon o radu koji oni traže umanjuje prava radnika - i čistačice i metalostrugara i zidara i inženjera i traktoriste. Dakle, svih radnika. Posljedica smanjenja radničkih prava je sigurno smanjenje penzija, jer ako su manje plate, manji su doprinosi. Tako njihov stav povlači donošenje seta novih zakona.

• **Solidarnost bez granica**

Poslodavci lažu i svako ko izađe u javnost i kaže da taj zakon koji oni žele neće smanjiti radnička prava laže i spremna sam da to dokažem pred očima javnosti.

• **Podržali ste proteste u Sarajevu, koji nisu dali rezultat. Očekujete li podršku SSSBiH?**

- Naravno da očekujemo i to je sasvim normalno. Sindikalna solidarnost ne poznaje nikakve granice, nikakve ucjene i ona je univerzalna vrijednost. Temelj svakog sindikata. Ukoliko bude protesta u RS-u, kolege će sigurno doći, ali ne bih poželjela da dožive u nekim tv-kućama kvalifikaciju koju sam ja doživjela u RS-u.

• **Ako dođe do razgovora o izmjenama Zakona, kakav dijalog očekujete sa premijerkom?**

- Sigurno da razgovor u ovoj situaciji ne može biti prijatan, ne može biti komotan, jer ovo je sukob interesa. Interes radnika jeste da očuva prava i da ih poboljša, a interes predlagača zakona jeste da smanji i fleksibilizuje prava radnika u korist kapitala. Mislim da taj razgovor čak neće biti ni akademski - da će biti vrlo neprijatan, vrlo težak. Sudeći prema ranijim razgovorima u Federaciji premijera i Sindikata, cijenim da živimo najteže trenutke radničke klase - kad protiv sebe imate i one koji pišu zakon i one koji ga usvajaju i vlasnike kapitala i nadobudne ekonomiste. Još se samo nisu javile starlete, ali očekujemo da će i one stati na stranu kapitala. Logično.



Najbitniji je mir u regionu

Američki ambasador u Srbiji Michael D. Kirby izjavio je da podržava sadašnji odnos Srbije prema Republici Srpskoj. Nije želio komentarisati Dejtonski sporazum, da li mu je potrebno mijenjanje ili kreiranje nekog novog ustavnopravnog okvira za BiH, navodeći da je on ambasador SAD-a u Srbiji, ne u BiH.

"Sve što mogu reći je da podržavam Dejtonski sporazum, a priču o njegovom mijenjanju ostavljam onima koji se bave BiH. Što se tiče Srbije i njenog odnosa prema RS-u, mogu reći da ga podržavam i da je najbitnije da imamo mir u regionu", rekao je Kirby za Betu, te dodao da bi što prije trebalo normalizovati odnose Beograda i Prištine, ali da dokument o tome treba da sastave Srbija, Kosovo i EU.



Osuda napada u Omerovićima

Iz HDZ-a 1990 osudili su napad na džamiju koji se dogodio u subotu u mjestu Omerović kraj Tomislav-Grada, saopćeno je iz ove stranke. Sarajevska organizacija HDZ-a 1990 osudila je ovaj vandalski čin, te upozorila kako se ovakvim ponašanjem i postupcima produbljuje međunarodna napetost i podižu tenzije. HDZ 1990 apelira na podizanje svijesti za odgovoran i zaštitnički odnos prema svim ljudima koji žive na prostorima sa većinskim hrvatskim stanovništvom a nisu Hrvati.

"Samo takvim pristupom možemo zaštititi one Hrvate koji žive na prostorima gdje većinsko stanovništvo nije hrvatske nacionalne pripadnosti", zaključuju u Dovedesetki.



Potrebna je i reakcija pravosuđa

Općinska organizacija Stranke demokratske akcije osudila je napad u selu Omerović kod Tomislav-Grada na džamiju, Bošnjake i njihovu imovinu, praćen uvredama i psovkama, saopćeno je iz SDA.

- Gnusni napad je osudila javnost Tomislav-Grada, politički subjekti, kao što su i do sada reagirali u sličnim situacijama. Prvi put je pravodobno i oštro reagirala policija i uhvaćeni su akteri napada, naveli su iz SDA, te zatražili takvu reakciju Tužilaštva i Suda BiH, jer bi na taj način poručili svima u državi koji narušavaju normalan život građana i međunarodne odnose da će slične aktivnosti biti spriječene i adekvatno kažnjene.



Ako dođemo drugi put, to će biti do konačnog obračuna

jasno da se radilo o osobama koje nisu iz naše općine, a taj podatak nas posebno zgražava, jer pokazuje da je nekim osobama stalo da primjeran suživot u našoj općinu dovedu u pitanje, stoji u saopštenju.

Općinu Tomislav-Grad, naveli su Vukadin i Šarac, kroz čitavu povijest, izuzevši pojedinačne ispade, krasili su suživot i obstrano poštivanje pripadnika svih vjeroispovijesti.

- Napad na bilo koga, pogotovo napad na vjerske objekte i simbole, za nas kao političare, vjernike i Hrvate neprihvatljiv je i mora biti osuđen u svakom obliku i svim pravno dopuštenim

sredstvima, poručili su Vukadin i Šarac.

Oni su naglasili da loša situacija u privredi, nezaposlenost, pijančevanje, mladost ili strah od bilo kojeg vjerskog ekstremizma ne mogu i ne smiju biti opravdanje za ispade ili zastrašivanje.

- Od policijskih vlasti očekujemo da bez rezerve razjasne ko su počinitelji zastrašivanja i prijetnji, te da oni budu privedeni pravosudnim organima kao opomena svima onima koji misle da mogu bez problema prijetiti bilo kome, stoji u saopštenju.

Načelnik Vukadin upozorio je da ove nemile događaje dio me-

dija koristi kako bi sijao mržnju, što se posebice vidi iz anonimnih komentara na internetskim portalima. Dodao je kako je Bosna i Hercegovina država tri naroda i više vjera, te da svaki napad na vjerske simbole bilo kojega naroda, u bilo kojem kraju zemlje, predstavlja napad na život i dostojanstvo pojedinca.

- Pozivamo vjerske vođe da djeluju u smislu poštivanja i suživota, a mi ćemo u svojem dijelu odgovornosti i dalje nastaviti surađivati preko granica stranačkih ili vjerskih različitosti. Gostima iz drugih općina i krajeva koji dolaze da bi sijali nemir poručujemo da ćemo biti izrazi-

to temeljiti u sprečavanju bilo kakvih i bilo čijih nereda, navedeno je u saopštenju.

• **Šest osumnjičenih**

Prema informacijama Ministarstva unutrašnjih poslova Kantona 10, ukupno šest osoba privedeno je u Policijsku stanicu Tomislav-Grad. Dvije osobe dobrovoljno su se predale, dok su ostale lišili slobode pripadnici PU Posušje.

- Nakon što se završi kriminalistička obrada, oni će biti predati Kantonalnom tužilaštvu na dalje postupanje. Većina uhapšenih vezana je za Posušje, u smislu da su porijeklom ili da žive u tom mjestu, saopšteno je iz Ministarstva. **E. G.**